

In genere itaque nemo affirmare potest, quod simile quodlibet simile sibi generet: Illud namque, extra vegetabilia, & perceptibilia, sensibiliaque, ad ipsa mineralia quantum attinet, male loquutum est: Illa enim alimentationem vitamque accipiunt, & seipsa feminant atque plantant: hæc vero nihil percipiunt, & in primo, æque ac in ultimo, anno, eiusdem sunt magnitudinis. Ex, & de, elementis per te essentiam suam in terra sortiuntur, id quod sine satione, plantatione, alioque cultu peragitur. Ex doctrina tua porro cognitum compertumque habeo, quod veterum Philosophorum dictis, per fallacem praxin, minime obtemperandum, sed dumtaxat vera & essentialis Theorica, in qua essentialis est natura, observanda fiet: In illa siquidem omnis essentia, materia, & substantia consistunt. Nunc autem in memoriam mihi reuoco, quod aliquando deceptor seductorque sophisticus, qui tamen pro magno Philosopho habebatur, mihi persuadere conabatur, inquit: pro recta materia aliud nihil sumendum esse, quam purum crudumque argentum vivum, attamen ut auro bene antea mixtum fiet: ex duobus enim bene conjunctis fieri aliquod eximium, atque in illa conjunctione vnum alterum perfectum reddere: Sin, pergebat impostor ille, hoc facerem, tunc me Elixir consequuturum esse: cum primis vero quatuor mixta elementa à se inuicem separanda, quodlibet purificandum, dein iterum coniungenda, magnum cum paruo veniendum, subtile in crassum inferendum esse: & hoc modo fieri lapidem Philosophicum. Verum non sum nescius deliramenta istiusmodi meras esse imposturas, & quod tales homines intellectu destituti sient, atque adeo

non

36.